

BERITA HARIAN, SABTU, 25 OKTOBER, 1980

Usahawan diseru tubuh industri berasaskan kayu

KUALA LUMPUR, Jumaat — Usahawan-usahawan Malaysia, terutama di bidang pembalakan, harus berusaha menubuhkan satu industri baru berasaskan penggunaan kayu-kayan.

Langkah ini perlu memandangkan sumber-sumber hutan negara ini, walaupun, walaupun masih banyak, tetap akan pupus di suatu masa seperti sumber-sumber minyak dan bahan mentah lain, kata Timbalan Perdana Menteri, Datuk Seri Dr. Mahathir Mohamad.

Katanya, "Kita perlu mengorak setapak ke hadapan bagi memasuki sektor memproses yang kedua serta ketiga dalam bidang berasaskan perkayuan ini.

"Jika tidak, kita akan hanya membazir peluang pekerjaan, kepakaran, pengurusan dan pengetahuan teknikal serta pertukaran matawang asing dengan menjual barang-barang yang kurang bermutu.

"Kita juga kehilangan peluang mempelbagaikan sektor yang berasaskan kayu kayan bagi mengurangkan

penggatungan kita ke atas export kayu balak," tegasnya.

Belliau menyatakan demikian ketika merasmikan seminar antarabangsa mengenai Peluang-peluang Pelaburan Dalam Industri Berasaskan Kayu Kayan di Malaysia di sebuah hotel terkemuka di sini pagi semalam.

Lapan buah kertas kerja dibentangkan dalam semimar dua hari itu.

Datuk Seri Dr. Mahathir berkata, para usahawan pembalakan tidak harus berpuashati dengan apa yang diusahakan sekarang dengan mendapatkan keuntungan melalui proses perindustrian utama.

Belliau menambah, Malaysia kini berkembang dan bersedia memasuki perindustrian perkayuan kedua dan ketiga.

"Kita harus menubuhkan satu industri baru dalam bidang perindustrian yang berasaskan kayu kayan ini.

"Tanpa memajukan sektor proses kedua dan

ketiga ini, kita kehilangan sumber pekerjaan, kepakaran dan pengetahuan teknikal serta penukaran matawang asing.

"Perkara ini bukan melibatkan kayu balak sahaja, malah semua sumber hutan seperti buluh dan rotan, yang harus kita tumpukan sebagai bahan-bahan yang boleh kita pergunakan sepenuhnya," ujar belliau.

Timbalan Perdana Menteri lalu menyebut Taiwan sebagai contoh di mana negara itu mengexport perabot-perabot daripada rotan serta barang-barang lain daripada buluh bernilai \$20 juta dan \$103 juta dalam tahun 1978.

Negara itu juga menyediakan tenaga perkerja 7,180 orang dengan hanya berasaskan pelaburan \$10.1 juta dalam tahun 1977.

"Jika kita majukan sektor ini, kita akan dapat menyelamatkan pertukaran matawang asing di samping dapat memenuhi keperluan pasaran-pasaran luar negeri," jelasnya.